

КОДІ

I

Небыдик сьёлёма сьылысь,
Омёля ланьтлө - пальёдө шог:
Бриньёдчө коми йөз йылысь
Долыда сьылө быдсяма ног.
Иванлы сьёлөмө пырө,
Нөдө и мойдө комиён теш
Сцена водз серамён тырө...
Аттө жө, сылөн уджалө плеш.

Ветліс-муніс уна вожөн,
Ичөтысянь төв и гожом,-
Татчө вайис гаж.
Тані лэдзө сыланкывъяс...
Ошкам сійөс, зонъяс, нывъяс,-
Рытын вөчас гаж.

II

Мелі сьылөм медся бур -
Вермө быдся шогсө...
Ичмонь дырйи - шыльыд юр,
Энька лоан - ноксьы...
«Шыр да катша» сьылө пöч,
Мөдтор эз и кужлы...
Кулан лунсө төдө стöч,
Райö кöсйö вуджны...
Аттö, миян коми кыв,
Вöлөм кутшöм лöсьыд:
Ляксяс мелі сыланкыв,-
Вунö шог и кöдзыд...
Эжва дорын миян вок,
Коми гижысь олö,

Бура төдө гөльлысь шог:
Пальөдны пө колө.
Эз на дугдыв весиг сутш,
Войтыр понда бөрдө;
Делө олөм, сьөкыд удж
Ссыланкывйө пөртө...
Оз ков вунны: сйө морт,
Первой коми кывйө
Вөчис паськыд зарни борд,
Өнi оз судз сывйөн.

III

Пыр жө нин сьылөны, абу тай шог,
Олөны-вылөны, төдөны мог:
Перйөны войтырлысь «натурналог»...
Йөй йөзлысь мынтөны «таладор мыж»,
Ассьыныс видзөны небыдик мыш,
Садь юрөн корөны медыджыд ыж.
Дьявөлөс резөны - «колөкө кеж!»
Аслыныс пөръясьны абу и пеж...
Куканьтө нуөны, гургөны меж...
Яндзимыс бырөма - йирөны сөз,
Аддзөны, ёна на пемыдось йөз,-
Сөтөны дядьöлысь медбөръя мөс.